

ქველმოქმედება უმაღლესი ჰუმანური აქტია

სითბოთი და გადღივებით საშსე თვალები



ქველმოქმედება, ანუ სიკეთის ქმნა განსაკუთრებით მნიშვნელოვანია. ეს საქმე იმდენად დიდია, რომ ადამიანს ასეთი ქცევა შეეძლოს ჰგვრის, აძლიერებს და სულიერ სიმშვიდეს ანიჭებს. რა თქმა უნდა, ასეთი მოქმედება მუდამ უნდა ნებახალისით.

სწორედ სიკეთის კეთების დაუშრეტელმა სურვილმა მიიყვანა თბილისის 49-ე საჯარო სკოლა გაბრიელ ბერის სახელობის მოხუცებულთა, უძღურთა და მიუსაფართა სახლში „ზე“.

პირველად ეს იდეა სიკეთითა და კაცთ-მოყვარეობით გამორჩეულ ულამაზეს და უკეთილშობილეს ქალბატონს, 49-ე საჯარო სკოლის დირექტორს, **ეკატერინე ცაავას** ეკუთვნის. მას მხარში ამოუდგა მთელი სასკოლო საზოგადოება. განსაკუთრებით უნდა აღინიშნოს დანაწიებითი საფეხურის მშობელთა კომიტეტისა, მათი კლასის დამრიგებლების, შესაბამისად მოსწავლეების და სპეცმასწავლებლების აქტიურობა, თუმცა საბაზო და საშუალო საფეხურის მოსწავლეებმაც თავიანთი წვლილი შეიტანეს.

სკოლის მოსწავლეები პროექტის ინიციატივას დიდი ხალისით შეხვდნენ და გად-ანვიტეს, საკუთარი ხელით გაეკეთებინათ და დაეხატათ პლაკატები. ამასთან ერთად, მოხუცების გასახალისებლად მცირე კონცერტიც მოემზადებინათ.

დამრიგებლის **მაია გელოვანის** ხელმძღვანელობით არაჩვეულებრივი მუსიკალური ნომრებით წარსდგნენ 49-ე საჯარო სკოლის პირველკლასელები: **თამარ მაზდელიანი**, **თათია ბალაძე**, **გიგი თეთვაძე**, **ლიზი მეფარიშვილი**.

მე-3 კლასელი და-ძმა **თორნიკე** და **მარიამ ლიბრაძეები** დიდი ოსტატობით უკრავდნენ დოლზე და საზოგადოებას ახალისებდნენ დამრიგებლის, **მარინა კიკნაძის**

ხელმძღვანელობით. ემოციურად იცეკვეს მე-4 კლასელებმა: **ნოდარ კიკაბიძემ**, **ანა კუპრაძემ**, **მარიამ რაგიმომამ**, **სალომე მარტაშვილმა**, **ნუცა გაბრიელაშვილმა**, **სოსო დავითურმა**, **მარიამ** და **ლიზი შამანაურებმა**.

მომხიბლავი მუსიკალური ნომრებით წარსდგნენ მეექვსეკლასელი გოგონები: **ნინო რაგიმოვი**, **ქეთი კორბესაშვილი** და **ლანა აღვანიშვილი**. ამით იმ უძღურ მოხუცებს, რომლებიც ვეღარ მოძრაობენ და სამწუხაროდ, სანოლს არიან მიჯაჭვულები, დიდი სიამოვნება მიანიჭეს, სულიერად გაამხნვეს.

ამ ყველაფერს ძალიან შთამბეჭდავი სახე ჰქონდა, ბედნიერი და აღელვებული მოხუცები, მხიარული და მონდომებული ბავშვები მართლაც რომ, სასიამოვნო და გულსამაჩუყებელი სანახაობა იყო.

განსაკუთრებით ღონისძიების პირველი ნაწილის ბოლო აკორდმა მოხიბლა მთელი დამსწრე საზოგადოება, რომელთაც ერთობლივად შეასრულეს ვალსი. მოსწავლეებმა ააცეკვეს კეთილი მოხუცები. ამაგ-დარ ადამიანებს სიხარულის ცრემლებით ავესოთ თვალები.

თბილისის 49-ე საჯარო სკოლა გაბრიელ ბერის სახელობის მოხუცებულთა, უძღურთა და მიუსაფართა სახლში „ზე“-ს უკვე მეორედ ეწვია.

პირველი შეხვედრა ქალბატონ ეკატერინეს თაოსნობით 2014 წლის 21 ნოემბერს ჩატარდა.



მაშინ სკოლაში ეს პროექტი აქციის „human inclusive hug“ – ფარგლებში განხორციელდა და მასშტაბური ხასიათი მიიღო, როდესაც მთელი სკოლა ერთხმად ჩაერთო პროექტის განხორციელებაში და აქციით გათვალისწინებული „ერთი კარტოფილისა“



და „ერთი კანფეტის ნაცვლად“, სურსათით დატვირთული სასკოლო საზოგადოების შემხედვარეს მართლაც, რომ თვალზე ცრემლი მოადგებოდა ადამიანს.

ბავშვებს დაუზარებლად მოჰქონდათ სხვადასხვა სახის პროდუქტები, ამზადებდნენ ფერად-ფერად პლაკატებს, ადგენდნენ პროგრამას და რეპეტიციებს გადიოდნენ.

მათ ქმედებაში უსაზღვრო მონდომება და ხალისი იგრძნობოდა. ასეც მოხდა, 49-ე საჯარო სკოლის პირველ სტუმრობასაც საზეიმო ელფერი ჰქონდა. გახარებული და აღტაცებული მოხუცების დანახვამ ყველას ცრემლი მოჰგვარა. ჩვენი სკოლის დირექტორი **ეკატერინე ცაავა** სათითაოდ მიესიყვარულა პანსიონატის ბინადართ. ამ მომენტებსაც ემოციების გარეშე, რა თქმა უნდა არ ჩაუვლია – მოხუცების სახეზე მაღლიერების გრძნობა ეხატა.

ეს იყო შარშან და რა გასაკვირია, რომ ამ ბედნიერი წუთების შემდეგ, კვლავ გაჩნდა სურვილი, კიდევ ერთხელ მოგვენახულებინა ძვირფასი მოხუცები. ეს სურვილი კვლავაც გვექნება. 49-ე საჯარო სკოლა მუდამ მზად იქნება დახმარების ხელი გაუწოდოს ჩვენს თბილ და მზრუნველ მოხუცებს.

რუსა სოპარაული, მარიკა ჯიქია,
49-ე საჯარო სკოლის
სპეცმასწავლებლები

საზედამტკიცო მიმართვა ქვირფასო მასწავლებლებო!

იაკოვ გოგავაშვილის პედაგოგიურ იდეებზე დაფუძნებული გაზეთი „სახალხო განათლება“ 85 წლის გახდა. იგი მუდამ იყო და არის მასწავლებლების, მეცნიერების, განათლების სისტემის ყველა მუშაკის თანამდგომი, მრჩეველი, მეგობარი.

მრავალფეროვანია გაზეთის თემატიკა: პედაგოგის ოსტატობა, სასწავლო-აღმზრდელობითი პროცესი, სწავლების მეთოდოლოგია, მოსწავლეთა შემეცნებითი უნარ-ჩვევები, დამოუკიდებელი აზროვნების განვითარება, სი-ახლები სწავლებაში, მონივნე გამოცდილების განზოგადება, რეფორმები – აი, ის არასრული ჩამონათვალი, რის გაშუქებასაც ვცდილობთ.

ამასთან ერთად გაზეთის ამშვენებს რუბრიკები: „ნიჭიერი მოსწავლე“, „სიძველი-სადმი ნდობა-პატივი“, „რა უნა წახდეს“, „ვინც მოყვარესა არ ეძებს“, „პედაგოგის პოეტური პალიტრა“, „სასწავლო ოლიმპიადები“.

„აღვადგინოთ ტრადიცია – აღვანდოთ-ლის გაცელება“, „ნოვატორი პედაგოგი“, „მასწავლებლის იუბილე“.

კატეგორიულად მიუღებელია ზოგიერთი მოსულელო პოლიტოლოგის მიერ დამკვიდრებული სტერეოტიპი, თითქოს იუბილეს გადახდა კომუნისტური გადმონაშთია. ამ ლოგიკით ილია ჭავჭავაძე „კომუნისტის“ ყოფილა, რადგან მას „ილიაობას“ ყოველ წელს უმართავდნენ.

მუდამ მხარს დაუჭერთ პედაგოგის მატერიალურ-მორალური სტიმულირების ყოველგვარ ფორმას, რომ აღდგეს „რესპუბლიკის დამსახურებული“, „სახალხო მასწავლებლის“ ან სხვა ნოდებათა მინიჭების მივინყებელი წესი.

სამწუხაროდ, ბოლო წლებში აშკარად შეინიშნება სკოლის დირექტორებისა და მასწავლებლების მხრიდან პედაგოგიური პრესის მიმართ ნიჰილისტური დამოკიდებულება. გვაქვს ჩვენი გაზეთის იგნორირების ფაქტები. მიზეზი ბევრია. ორს გამოვყოფთ მხოლოდ: ზოგიერთი დირექტორი ან პედაგოგი ფიქრობს: „რად მინდა გაზეთი, ყურნალი. აგერ არ არის კომპიუტერი? რასაც მინდა, იმ ინფორმაციას მოვიძიებო“. მცდარი აზრია. **კომპიუტერს თავისი ადგილი და დანიშნულება აქვს, ყურნალ-გაზეთს თავისი. გაზეთს, ყურნალს, წიგნს კომპიუტერი ვერასოდეს შეცვლის.**

ზოგიერთი დირექტორი ან პედაგოგი ამბობს: „ჩემთვის გამოსადეგი, კომპეტენტური, საინტერესო მასალები გაზეთში, ყურნალში არ იხეჭდებაო“. შეიძლება დავეთანხმოთ, მაგრამ ყურნალისტი ხომ მეტწილად მხოლოდ ფილოლოგია, ის შეიძლება ღრმად ვერ წვდებოდეს პედაგოგის, ფსიქოლოგის, მათემატიკის, ფიზიკის, სხვა საგნის სწავლების ნიუანს-ლაბირინთებში.

ამიტომ მოგმართავთ: **აქტიურად ითანამშრომლოთ ჩვენთან, მოგვანოდოთ სიახლეების, მონივნე გამოცდილების ამსახველი კომპეტენტური წერილები. გამოიწერეთ გაზეთები, ბევრი იკითხოთ პედაგოგიური ლიტერატურა.**

გაზეთი
„სახალხო განათლება“
რედაქციის
მისამართი

მპითხველთა საყურადღებოდ!
გაზეთის გამოსაწერად
მიმართეთ პრესის
გავრცელების სააგენტოებს:
„საქპრესა“ – გურამიშვილის
გამზ. 64, ტელ.: (032) 2 518 518,
„მაცნე“ – საირმის ქ. კორპ N 4,
ტელ.: 2 14 74 22.



პედაგოგთა პროფკავშირი

გზოვით სსიკეთო საქმიანობის



რამდენიმე დღის წინათ, რუსთავში არასამთავრობო ორგანიზაციის ერთ-ერთ ოფისში მორიგი ღონისძიება გაიმართა ქვემო ქართლის განათლების პროფკავშირული ორგანიზაციის ხელმძღვანელის ლილი წურწუმიას ინიციატივით. იქნებ გასაკვირია, მაგრამ ნამდვილად დასაჯერებელია ის ფაქტი, რომ დროისა და მთავრობათა ცვალებადობის მიუხედავად, ამ ორგანიზაციას უკანასკნელ წლებში ერთი დღეც არ შეუწყვეტია მუშაობა, ხოლო მის ხელმძღვანელს, პროფესიით პედაგოგს ლილი წურწუმიას აზრადაც არ

მოსვლია, მიეტოვებინა ის შენობა და ის საქმე, სადაც წლობით საქმიანობს პროფკავშირის განხრით.

ამ ენერგიულმა ქალბატონმა მართლაც რომ ააღორძინა პედაგოგთა პროფკავშირული ორგანიზაცია და უდიდესი ფუნქციაც დააკისრა მას. კერძოდ, ორგანიზაციაში ამჟამად რეგიონის სკოლებიდან 400 მასწავლებელია გაერთიანებული. ადგილებზე თავმჯდომარეები არიან: ნანა სამხარაძე, ქეთევან გარაშვილი, ლალი შოშიაშვილი, ირმა ლობჯანიძე, ლეილა ნამაზოვა, ქეთევან ბოჭორიშვილი, სარხან საფაროვი, ლეილა სუხიტაშვილი, შორენა მამუკაშვილი, ემა ლიპარტელიანი, ია ფანჯიკიძე, მერი დავითაშვილი, მადონა მახარაძე, ლალი როსტიაშვილი, ირმა ჩადუნელი, ნინო ხედგენიძე - ამ ლიდერების დამსახურებაა, რომ დღეს ასე აქტიურად მუშაობს პედაგოგთა პროფესიული კავშირი მათივე პრობლემების გადასაჭრელად და დროულად მოსაგვარებლად.

- ჩვენს აქტიურობას განაპირობებს საქართველოს განათლებისა და მეცნიერების მუშაკთა პროფკავშირების კომიტეტის გამორჩეული ლიდერის მაია კობახიძის ერთგულეობა საქმისადმი და გადამდები ენერჯია. იგი ამ დარგის მუშაკთა თავგამოდებული ქომაგია და არა მხოლოდ

სიტყვით, არამედ - საქმით. ქალბატონი ლილი წურწუმიამ ამ მოსაზრებას არგუმენტითაც ასაბუთებ: - მართო მიმდინარე წელს ამ დარგის პროფკავშირების იურიდიულმა დეპარტამენტმა, მაღალკვალიფიციური იურისტის უჩა ბაკურაძის ძალისხმევით სამუშაოდან პედაგოგთა უკანონოდ განთავისუფლების 30-მდე ფაქტი შეისწავლა და დაზარალებულთა სასარგებლოდ გადაწყვიტა. ჩვენ ყველას დიდი იმედი გვაქვს, რომ ნებისმიერ სასიკეთო საქმეში ზვიდან მხარს დაგვიჭერენ და დაგვეხმარებინან.

მაინც რა კონკრეტულ საკითხებზე მუშაობს ქვემო ქართლის პროფკავშირული ორგანიზაცია ან რა პრობლემებს აგვარებენ მათი ხელმძღვანელები?

- სანეწრო გადასახადის სიმცირის მიუხედავად, ეს ორგანიზაცია აქტიურად და დრომონაცვლეობით ეხმარება სოციალურად შეჭირვებულ პედაგოგებს, აკითხვენ და ყურადღებას გამოხატავენ პენსიონერი პედაგოგების მიმართ, აწყობენ ექსკურსიებს, გამორჩეულად აღნიშნავენ საზეიმო თარიღებს. ტარდება უფასო ტრენინგები მასწავლებლებისათვის, ერთჯერადად ეხმარებიან ახლადმუქმნილ ოჯახებს, დასასვენებლად უშვებენ პედაგოგებს შეღავათიან ფასებში და სხვა.

და ამ ყველაფრის მიღმა უდიდესი სიყვარულის განწყობაა. თავად ლილი წურწუმიამ იმ მოტივაციით, რომ ორგანიზაციამ იარსებოს, ხშირად საკუთარ ხელფასსაც იქეთ ახმარს პრობლემის მოგვარებას, მაგრამ სამაგიეროდ, არის უკუგება: პედაგოგები კუმისიდან, ახალსოფლიდან, გარდაბნიდან, მარნეულიდან, - სულ სხვადასხვა სოფლებიდან და რაიონებიდან მზად არიან ერთმანეთთან სათანამშრომლოდ, და ყველას ერთად გარკვეულწილად კოორდინაციას უწევს დემოკრატიული ჩართულობის რუსთავის ცენტრის კოორდინატორი ლიანა ჩარკვიანი, რომელიც კვალიფიციურ რჩევებს აძლევს პროფკავშირულ ლიდერებს სასწავლო-საგანმანათლებლო პროექტებში მონაწილეობის მისაღებად.

ამჯერად, სწორედ დემოკრატიული ჩართულობის ცენტრის რუსთავის ოფისი მასპინძლობდა პროფკავშირულ ლიდერებს - I-დან მე-9 კლასამდე დაწყებითი კლასების ქართული ენისა და ლიტერატურის მასწავლებლებს ტრენინგზე დასასწრებად, ტრენინგს ზურაბ ვახანია ატარებდა იმ სასწავლო-საგანმანათლებლო საკითხზე, რომელიც სასერთიფიკატოდ უნდა მოამზადონ მასწავლებლებმა.

საზღაურს, ბუნებრივია, პროფკავშირული ორგანიზაცია იხდის მასწავლებელთა სასარგებლოდ.

- და ეს ყველაფერი როდია, გვიხსნის ლილი წურწუმიამ - ჩვენი სურვილია ეთნიკურად ჭრელ რეგიონში ჩვენი პედაგოგები თანამშრომლობდნენ კეთილი სურვილებით, ისინი ეხმარებოდნენ ერთმანეთს, რაც გადამდე-

ბია მთელი საზოგადოებისთვის. დღეს ასეთი ერთიანობა საქართველოს ძალიან სჭირდება. ხალხი დაიღალა უაზრო დაპირისპირებით, გაუთავებელი ლანძღვით. ჩვენი პროფკავშირული ორგანიზაციები კი ძველებურად წინსვლასა და დარგის გაჯანსაღებაზე ფიქრობენ. დადგა დრო, ასეთი ორგანიზაციები ყველგან შეიქმნას და კვლავაც გვერდით დავუდგეთ ერთმანეთს სასიკეთო საქმეთა საკეთებლად.

უფრო ახლოს გავიცნობთ, ლილი წურწუმიამ-ბუხრაშვილი - იგი ორი შესანიშნავი შვილის დედაა და ძალიან ლამაზი ოჯახის თავქალი. მუშაობს ყარაჯალას აზერბაიჯანულ საჯარო სკოლაში მუსიკის მასწავლებლად და აქაც თავისი საქმის ფრიადოსანია. მან 700-მდე აზერბაიჯანულ ბავშვს შეასწავლა და შეაყვარა ქართული სიმღერები, აამეტყველა და აამღერა ისინი ქართულად და ეს ყველაფერი ძალიან ეამაყება. იგი უყვართ სკოლაში - პედაგოგებსაც და მოსწავლეებსაც იმ შემოქმედებითი ნიჭის გამოც, რომ ქალბატონი ლილი თავადაც წერს საკუთარ სიმღერებს სამშობლოზე, ახალგაზრდობაზე, სიკეთესა და სიყვარულზე.

სიყვარულის ნიჭით დაჯილდოებული გარემოსილი ასეთი ადამიანები, დიანაც, კვლავაც სჭირდება საუკეთესო ტრადიციების მქონე განათლების დარგობრივ და ყველაზე მრავალრიცხოვან პროფკავშირებს საქართველოს დედაქალაქსა და პერიფერიებში.

რუსთავი შობაგონების ქალაქია მე-5 კლასელებისთვის



გაივლის რამდენიმე წელი, თვე, დღე და რუსთავის 23-ე სკოლის ის მე-5 კლასელები, ახლა ამ ქალაქის ისტორიას და დღევანდლობას რომ შეისწავლიან, მერე თავად დაწერენ ლექსებსა და ჩანახატებს მშობლიურ ქალაქზე, მის ღირსშესანიშნავ ადამიანებსა და ფაქტებზე, რომელიც ყველა სხვა ქალაქისაგან გამოარჩევს მას.

„რუსთავი - ჩემი სიამაყე“ - ეს სახელწოდება ჰქონდა სასწავლო-საგანმანათლებლო პროექტს ქართულ ენასა და ლიტერატურაში, რომლის ავტორი გამოცდილი და საკუთარ პროფესიაზე უსაზღვროდ შეყვარებული პედაგოგი იან ნოზაძე იყო. საჩვენებელ გაკვეთილს ლიტერატურული მინისპექტაკლის სახე ჰქონდა, ყველა მოსწავლე მთხრობელის როლში იყო და დახვეწილი ქართულით,

თეატრალიზებულად ჰყვებოდა რუსთავის ისტორიას პირველ-მოსახლეობიდან მე-20 საუკუნემდე. მხატვრულ პროზაულ ტექსტებს პოეზია, სიმღერა, მუსიკა და ვიდეოკადრები ენ-



აცვლებოდა. მოსწავლეებმა - ყველამ ერთად და თითოეულმა ცალ-ცალკე დამაჯერებელი ცოდნა გამოავლინეს იმიტომაც, რომ პროექტის განხორციელებისას მათ მასწავლებლის ხელმძღვანელობით დაათვალდნენ რუსთავის მხარეთმცოდნეობის მუზეუმი, იყვნენ თბილისში, მოინახულეს ბევრი რამ, გაეცნენ რუსთავზე გამოცემულ ისტორიულ და ლიტერატურულ ნიგნებს, ითანამშრომლეს ისტორიის მასწავლებელთან - მაკა მაჭარაშვილთან.

გაკვეთილს ესწრებოდნენ მშობლები, სკოლის დირექტორი, პროფესორი ლელა ახალაია, მისი მოადგილე ნარგიზი კორაშვილი, პედაგოგები: ნაირა როზაძე, ნათელა ჭინჭარაშვილი, მაკა მაჭარაშვილი და თეა გუჯაბიძე.

- 34 წლის განმავლობაში, რაც სკოლაში ვმუშაობ, ბევრი



საჩვენებელი გაკვეთილი ჩამიტარებია, მაგრამ ასეთი ამაღლებული განწყობა ამ თემას რომ ახლდა, არ მახსოვს.

დღეს ჩემს გვერდით მყოფი მშობლები ირინა კობახიძე და თამარ ფაშალიშვილი ჩემი ყოფილი მოსწავლეები არიან. ახლა უკვე მათს შვილებს ვასწავლი... მიმაჩნია, რომ ქვეყნის სიყვარული მოზარდებს მშობლიური სოფლისა და ქალაქების სიყვარულით უნდა ვასწავლოთ. კლასში 26 ბავშვია და ყველა ალტაცებით შეხვდა საპროექტო იდეას, რომ ღია საჩვენებელი გაკვეთილი რუსთავზე ჩავგეტარებინა.

პედაგოგი იან ნოზაძე და მისი მოსწავლეები პროექტით გათვლილ ყველა საკითხს - რას აკეთებდნენ ჩვენი წინაპრები, რა ისტორიული ქარტეხილები გადაიტანა ქალაქმა, ვინ იყვნენ ხალხები, რა

სიძველეებს ინახავს რუსთავის მინა, რა დანიშნულება ჰქონდა ამ ქალაქს, ვინ იყვნენ მისი საამაყო ადამიანები და სხვა - ამ გაკვეთილის შემდეგაც, სასწავლო წლის განმავლობაში კიდევ მიუბრუნდებიან და ახალი ცოდნით შეავსებენ.

დაიგეგმა: ახლო მომავალში ქართული ენისა და ლიტერატურის გაკვეთილზე მე-5 კლასელებმა შემოქმედებითად განახორციელონ საკუთარი ჩანაფიქრი და შექმნან თავიანთის სასურველი ნაწარმოებები მშობლიურ ქალაქზე, ეს ნაწარმოები პატარა ნიგნად აიკინძება და სათანადოდაც შეფასდება.

ჩატარებულ გაკვეთილს მაღალი შეფასება მისცა ღონისძიების ყველა მონაწილემ.

გვერდი მოამზადა ლია მარტაშვილმა

ნომრის სუბარია თბილისის 191-ე საჯარო სკოლა

მალაქ შედეგზე ორიენტირებულნი

შარშან პედაგოგებს ძალიან გაუხარდათ ახალი დირექტორის მოსვლა, რადგანაც იგი მათი კოლეგა გახლდათ. თინათინ ბაქრაძე თბილისის 69-ე საჯარო სკოლისა და

აი, ხელთნაკეთი ხელოვნება: გულიკო ფატლაძე (VII) – „თექის პანო“, გვანცა გეგაჭკორი (VII) – „კუ“, „თექის ჩანთა“, ალექო შავერდოვი (VII) – დამრიგებელი თ. ბაღდოშვილი

ბის ფურცელი“ – სკოლას. შავი ზღვის უნივერსიტეტის დიპლომი – სკოლას. აქედან ჩანს, რა აქტიურად მუშაობენ პედაგოგები მოსწავლეებთან მათი შემეცნებითი და შემოქმედებითი უნარების განვითარებისათვის.

მასწავლებლები კი – მეტად ძლიერი კვალიფიციური კადრები მოღვაწეობენ აქ. დირექტორს აქტიურად უდგას მხარში და სასწავლო-აღმზრდელობით პროცესს უნარიანად უძღვება მოადგილე, გამოცდილი, გატაცებით მოღვაწე პედაგოგი მარინე ირემშვილი.

ჩვენ გავიცანით გატაცებით მოღვაწე მასწავლებელი გეოგრაფიისა, სახელმძღვანელო ნიგნის ავტორი, პედაგოგის მდივანი ლია გარსენიშვილი. რასან პედაგოგიურ კადრებზე ჩამოვარდა საუბარი, უნდა ვთქვათ, სკოლაში სასწავლო ამინდს ქმნიან სერთიფიცირებული მასწავლებლები, თინათინ ბაქრაძე, ლია გარსენიშვილი, ინგა ტაბატაძე, თამარ გაბოშვილი, ნანა ბაგათელია, ინგა გუმბერიძე, დარეჯან ლაფაჩი, თამარ მაჭარაშვილი, ნონა გამხიტაშვილი, ეკა კობახიძე, ნინო თითირაშვილი, მაია ზაკალაშვილი.

მალაქ შედეგებზე ორიენტირებულთა გამარჯვებას განაპირობებს საგნობრივი კა-



დედაუნივერსიტეტის აღზრდილია. მოკლე ხანში კარგად წარმოაჩინა ხელმძღვანელის ორგანიზატორული უნარი, უკვე დაეტყო სკოლას მისი კეთილი ხელწერა.

შეხვალთ სკოლაში და აკურატულობით მოიხიბლებით. უცხო თვალი ადვილად შეამჩნევს: პედაგოგები ერთმანეთთან მეგობრობენ. მასწავლებლებსა და მოსწავლეებს შორის სიყვარულის ატმოსფერო სუფევს. მოგვხიბლა ფოიეში გამოფენილმა მოსწავლეთა შემოქმედებამ. აი, სტენდების თემატიკა: „დავიცვათ ბუნება!“ მილენა ეზუგბაიას (VI^ა კლასი) და ბიოლოგიის პედაგოგ ცირა წურწუმიას ერთობლივი ნამუშევარი. „ლაგოდების ნაკრძალი“ – ანა კოვალიოვა (VI^ბ), „გაგუფრთხილდე ბუნებას“ – ლიზი შამოვი (VI^ბ), დამრიგებელი თამუნა ზედელაშვილი, „ბუნება ქვეყნის მშენებელი“ – გიო მალაქაძე (VI^ბ), „გარემოს დაცვა“ – ანა ხვედელიძე, მარი ხარაული.

ახლა ნორჩი მხატვრების ნახელავი ვიხილოთ: ნინო აროშვილი (X) – „მკითხველი დათვი“, „მფრინავი სპილო“, ლიზი თარაშვილი (I) – „ყვავი“, „მოგზაური ზღარბი“, ნინო ჩხაიძე (III) – „ხილით სავსე კალათა“, „წრუნუნა“, „დათუნა“, ნიკა გიუნაშვილი (II) – „აქლემი“, „ბანტიანი ფისო“.

– „გედები“, მარი ბარამიძე (V) – „ეზო-კარი“, თამარ ჩიკვაძე (V) – „სახლ-კარი“, ლაშა კაციაშვილი (VI) – „სასახლე“.

გეოგრაფიული სტენდი: ანი მაჩიტაძე, მაია ტაბატაძე – „მოგზაურობის სურათები“, თამარ ჩიკვაძის, მარი ბარამიძის, ნათია ოდიშვილის პროექტი – „თურქეთი“, „თვალწარმტაცი საქართველო“, ლია ბრეგვაძე (V) პედაგოგი მზია დულაძე –



„საფრანგეთი“, „პარიზი“, „ჩინეთი“.

ჯილდოები: სიგელი, დიპლომი – ანსამბლ „ბარაკონს“ საპატრიარქოს უნივერსიტეტის დიპლომი – სკოლას, მათემატიკურ ოლიმპიადა „ევერესტში“ წარმატებისთვის „მადლო-

თერების მოქნილი მუშაობა. კათედრებს უძღვებიან გამოცდილი, ენერგიული ხელმძღვანელები: მარინე სინაურიძე (ქართული ენა-ლიტერატურა), დარეჯან ლაფაჩი (მათემატიკა), ნინო ნიშნიანიძე (საზმეცნიერებები), ნინო ბაგათელია (საბუნებისმეტყველო), მაია ოლქიშვილი (უცხო ენები), ნონა გამხიტაშვილი (დანყებითი განათლება), მზია დულაძე (ესთეტიკა-სპორტი).

სასკოლო ცხოვრებას უფრო ხალისიანს ხდის მოსწავლეთა თვითმმართველობა, რომელსაც ხელმძღვანელობს ნიჭიერი, ყოჩაღი XI კლასელი ნინო ზანგური.

„ხე ნაყოფითა საცნაურ არს“, გვასწავლის ბიბლია. მასწავლებლის შრომა შედეგებით ფასდება და სკოლაში ძალიან ბევრი ჰყავთ სწავლაში წარჩინებული, ე. წ. „ათოსანი“ მოსწავლე. სწავლების ხარისხი რომ მაღალია,



შემდეგიდანაც ნათლად ჩანს: სკოლა ხუთ მედალოსნობის კანდიდატს ითვლის: მარი ღარიბაშვილი, ქეთი ღარიბაშვილი და ბესო სხირტლაძე ოქროს უმიზნებენ, სალომე ალავიძე და თინათინ ბერუაშვილი კი – ვერცხლს.

გარდა ამისა, სასწავლო ოლიმპიადებსა და კონკურსებში გამარჯვებულნი იმდენია, თვლა არა აქვს. შევეცდებით, ყველაზე გამორჩეულნი მაინც შევაქოთ: სამოქალაქო განათლების ოლიმპიადამი გაიმარჯვა ნინო ქავშიაძე (X) და 300 ლარიანი ვაუჩერი მოიპოვა. საპატრიარქოს კონკურსში „ჩვენ ვსწავლობთ ბიბლიას“ რელიგიისა და კულტურის პედაგოგის ნანა მაგლობლიშვილის აღსაზრდელები ფინალში გავიდნენ. ზურაბ ფარჯანაძის მოცეკვავეთა ანსამბლი „ბარაკონი“ მუდამ წარმატებულია მაღალი, საერთაშორისო რანგის ფესტივალებში. ასევე ასახელებენ სკოლას პერსპექტიული სპორტსმენები. სპორტის პედაგოგების: შმაგი ხეცურიანისა და დემურ ზარდიაშვილის აღსაზრდელები: ლუკა იმნაძე, რეზო ყალიჩავა, მიშიკო არქანია (ფეხბურთი), გიორგი ონოფრიშვილი, გიორგი ქავთარაძე, ლუკა ჩიხლაძე, ლევან ხუროშვილი (რაგბი), გიორგი ტუხაშვილი (ველოსპორტი) ბევრ შეჯიბრებაში გამარჯვებული სპორტსმენები არიან.

სკოლის სიამაყეა XII კლასელი გვანცა ქობალია, რომელიც ფორტეპიანოში მუსიკალური კონკურსების ლაურეატი გახდა.

საამაყონი არიან: გულიკო მურაჩაშვილი, ჯიული მარხულია, გიორგი მელაძე, ნინო პერტაია, ჟენია ჯულაყიძე, ანა ტურაბელიძე, ნია ქაფიანიძე,

სოფო ჯალიაშვილი, ბექა ცერცვაძე, გიორგი დალაღვილი, ელიზავეტა მეხრიშვილი, თამარ მეხრიშვილი, ვალერი კერესელიძე, რობერტ გოგებრაშვილი.

სასკოლო ცხოვრების ფურცელში აქტიურად არიან ჩართული და მის წარმატებებში დიდი წვლილი შეაქვთ პასუხისმგებლობით, აკურატულად მოღვაწე მუშაკებს: მათერიალურ-ტექნიკური უზრუნველყოფის გამოცდილ კოორდინატორს გონა თავართილაძეს, მენეჯერ თამარ მაჭარაშვილს, ბუღალტერ მარინე ჭრიკიშვილს. საქმისმწარმოებელი ლია ჭელიძე ხომ მთელი სკოლის სული და გულია.

დისციპლინის განმტკიცებისა და უსაფრთხოების დაცვის კუთხით პედაგოგებთან ერთად ბევრს ზრუნავენ გამოცდილი მანდატურები: ლია ცომაია, მინდია გოგოჭური და თამარ ცხვედანი. დირექცია კმაყოფილია სპეცმასწავლებლის შორენა კვინიკაძის მოღვაწეობით, რომელიც ბევრს მუშაობს ინკლუზიური სწავლების სრულყოფისათვის.

მოწონებას და ქებას იმსახურებს სასკოლო ბიბლიოთეკის გამგის მზია ფუნთუშაშვილის საინტერესო, შემოქმედებითი მუშაობა ამ კრიტიკულ ჟამს, როცა კომპიუტერმა ლამის ნიგნი ხელიდან გააგდებინოს მოსწავლეებს და წერა-კითხვას გადააჩვიოს.

სხვა მხრივ 191-ე სკოლაში საინტერესო, მჩქეფარე ცხოვრება გრძელდება. ვინც ეძებს, ის იპოვინს.

მალაქ შედეგებზე ორიენტირებულნი უთუოდ გაიმარჯვებენ.

ზორის ხარებავა



„იზარდე, მწვანე ჯეჯილო, დედობრივი მზრუნველობა არ მოგაკლდებათ

გზა დახელოვნობი, მე-15 ბაგა-ბაღელებო!



ახალ ბაგა-ბაღს მივსალმებით! იგი იმ ხეხილის ნერგსა ჰგავს, რომელმაც პირველი ნაყოფი უკვე გამოიხსა. დიახ, შარშან დაფუძნებული თბილისის მე-15 ბაგა-ბაღი წელს, ივნისში პირველ ნაკადს გამოუშვებს, დაახლოებით 50-60 სკოლისთვის კარგად მომზადებულ ცეროდენას გზას ზემოთ დაულოცავს პირველი კლასისკენ. შარშან, მე-16 ბაღის ბაზაზე დაარსებული მე-15 ბაგა-ბაღი ჯერ მაინც ახალმოსახლეს ჰგავს, რომელსაც ზოგ რამეში ხელის შეშველება კიდევ სჭირდება.

კოლექტივის სახელით დიდ მადლობას მოვასხენებთ ქალაქის მერიას, რაიონის გამგეობას, განსაკუთრებით ბაგა-ბაღების სამსახურის სააგენტოს უფროს თემურ თორდინავას, რომელმაც ყველაფერი გააკეთეს იმისთვის, რომ მე-15 ბაგა-ბაღი ბავშვებისთვის კომფორტული ყოფილიყო. გუშინდელ დიდალი სათამაშოები შემოგვიტანეს. ინფრასტრუქტურა მოგვინერგეს, კეთილმოწყობის სამუშაოები გრძელდება, - მეგზურობა გაგვინა ამ ზღაპრული სამყაროს დიდმა, ბავშვებზე უზომოდ შეყვარებულმა დიასახლისმა თამარ მაჭავარიან-ქადაგიძემ.

ბაგა-ბაღის დირექტორი თამარ მაჭავარიანი-ქადაგიძე მეტად გამოცდილი, ენერგიული, შემოქმედი ხელმძღვანელია. დაამთავრა თბილისის 166-ე სკოლა და კიევის პედაგოგიური უნივერსიტეტის დეფექტოლოგიის ფაკულტეტი. ინკლუზიურ ჯგუფებში მუშაობის



დიდი გამოცდილება აქვს. მე-16 ბაგა-ბაღში მუშაობდა დეფექტოლოგად, 2007 წლიდან კი - დირექტორად. მე-15 ბაგა-ბაღის იერ-სახე მომხიბლავია. შიგნით შეხვალთ და „რა გიამბოთ ქება მისი, რა სიტუაფე, რა ნაზობა“. ყველგან სრული წესრიგი და აკურატული სუფეფს: შესანიშნავი სამზარეულო, სამედიცინო კაბინეტი, ჯგუფების კეთილმოწყობილი ოთახები, სათამაშოებით, თვალსაჩინოებებით მდიდარი. აქ ყველგან თოჯინები იციან. დერეფნებში ზღაპრებიდან გამომდინარე პერსონაჟების სამყაროა. მეცადინეობა, თამაში, კვება უმალეს დონეზე აქვთ მოწესრიგებული. და მეტი რაღა საჭირო ცეროდენების ბედნიერი ბავშვობისათვის? რადა, დედობრივი მზრუნველობა, რასაც აღმზრდელები პანიებს არ აკლებენ.



კმაყოფილი, ნამდვილად გახარებული არიან მშობლები. ერთ მშობელს გავესაუბრე. აღმზრდელები თავს ევლებიანო პატარებს. - ასე მითხრა. კვება? პოეტური პიროვნება აღმოჩნდა ჩვენი ქალბატონი: კერძები იმისთანა, რომ ჩაატან თითებს თანაო, - მომილექსა.

და ყოველივე ზემოთქმულის შემოქმედნი ხომ, პირველ რიგში, არიან აღმზრდელები-პედაგოგები. დაელოცოთ მარჯვენა, თქვენ, კეთილო ადამიანებო! ყოველივე ამ წარმატებულ საქმიანობის სული

და გული კი გახლავთ შემოქმედებითად, გატაცებით მოღვაწე, გამოცდილი მეთოდისტი ქეთევან ჭუმბურიძე.

ბაგა-ბაღის კეთილდღეობაში უდიდესი წვლილი შეაქვს ერუდირებულ, ენერგიულ პედაგოგს, დირექტორის მოადგილეს მეგი ბარბაქაძეს, რომლის თვალი და ყური ბავშვთა ამ სამყაროს ყველა კუთხე-კუნჭულს წვდება.

დირექტორი თავდადებული, აკურატული მუშაობისათვის ქებით მოიხსენიებს მწე ცილა აფრიამაშვილს და საქმეთა მწარმოებელ სალომე ევგენიძეს.

მტკიცედ დგას ცუგრუმელების ჯანმრთელობის სადარჯოზე გამოცდილი პედიატრი ანი ხითარშივილი. მისი შიშით ინფექციები ბაგა-ბაღს სათოფეზე ვერ ეკარებიან. ბევრს მუშაობენ პატარების ნებისყოფის აღზრდასა და მეტყველების კულტურის განვითარებაზე ფსიქოლოგი ანი ჩიგოვაძე და ლოგოპედი ნანა სულაძე.

ცეროდენებს ძალიან მოსწონთ გემოვნებიანი მზარეულის



რულეული ნახატი: „დედამინა და პლანეტები“, „ზღარბი ტყეში“, უძღვნა მეთოდისტი ქეთევან ჭუმბურიძეს. მომავალი ფიროსმანი გაზრდილიყოს პატარა ნიკალას სახით. „გვირილაში“ მრავლად არიან მეოცნებენი. პრეზიდენტობაზე ოცნებობს გონებამახვილი, ჭკვიანი ბიჭი ლუკა შიზიაშვილი, ბევრ „დაპირებას“ არიგებს. აქვე გავიცანით პერსპექტიული მომღერლები: მოცეკვავეები, მხატვრები: სალომე კვიციანი, მარი მახინაშვილი, ნატალი მინაშვილი, ნუცა ხმალაძე, ელენე ჩავეჭაძე, ანი მეღვინეთუხუცესი, სანდრო მაისურაძე.

„ცისარტყელადან“ აღმზრდელმა ნატო არსენიძემ გამაცნო იმედისმომცემი: ნია რამიშვილი, ელენე მისირელი, ნიტა ავსაჯანიშვილი, ლუკა ჯანიაშვილი, მათე ხარჩილავა, თეკლე წონკოლაური, მარი აბულაძე, ნინი ყოლბაია.

„ჭია-მაიადან“ - თამარ გურგენიძემ: სესილი კუჭაშვილი, მაშო პაპიძე, ლაშა კახაბრიშვილი, გოგა ციყელაშვილი, გია გოგუაძე, ელენე დათუკაშვილი.

ნინო გახაკიძის „ბაჭებიდან“ არიან: მარი ჯალიაშვილი, ნინო ჭოჭუა, ლუკა ყელიაშვილი, ნატალი კუჭაძაძე, დათა ცხოვრებაშვილი. ანა ერადის „ვარსკვლავებიდან“ კი მაშო ნარომანიძე, ალექსანდრე კახაროვი, ელენე ნარეკლიშვილი, ელენე ბაინდუროვი, ნიკა გრიგოლია. ლიანა მოდებაძის „პეპლებიდან“ კატო კვინიკაძე, გია თაკაშვილი, ნია ბერუაშვილი, სესილი ღვინიაშვილი, დავით გვანცელაძე, ანა კიკნაძე. ყოველი მათგანის

ნიჭი ცის კაბადონზე მკაფიოდ გაბრწყინებულიყოს! აქ ყველა ნიჭიერია. აქ ყველა მეოცნებე და მეგობარია.

ამაგდარი აღმზრდელების: ნინო რაზმაძის, მაკა კვინიკაძის, თამარ კვიციანი, ნატო ქადაგიძის, ქეთევან კინწურაშვილის, მანანა ხატიაშვილის, თალიკო სუფაშვილის, ნესტან მემანიშვილის, მაია გელაშვილის, ქეთევან ამირანაშვილის, მარინე მინდიაშვილის, ციციკო კოლაშვილის, მანანა გეთიას, თამილა ფურცხვანიძის, ირმა ბასილიას, ნათია ქოთოლაშვილის, ირინე ნაცვლიშვილის, ნათია გვენცაძის, ნონა მეგრელიშვილის, თანაშემწეების: თამარ ნაზლაიზის, ქრისტინე ბერეკაშვილის, ნინო გულიაშვილის, თონა გოგელიას, ნატო კალატოშვილის, ნინო წონონავას, ნინო ჭყონიას, თებრო ჟუჟუნაშვილის, ქეთი ბილიძის, მაია კაკალაძის, მირანდა ჭითანავას, ნატა ჯაიანის, დიანა მეტრეველის, მერი შურლიას, დალი აბლაკის, ნინო ჩომახაშვილის, ბელა მიქაძის, ნონა მეგრელიშვილის, ინეზა კოსტეიძის, მანანა ტატიშვილის, მარინე თვალაშვილის, ლედი კაბულაშვილის, ლილი კილასონიას, ინგა ბრეგვაძის ნიჭიერებას შემდეგში გავიცნობთ. მე-15 ბაგა-ბაღი მრჩეფარე, ხალისიანი ცხოვრებით ცხოვრობს. ჩინებული სტარტი აღებულია. ფეხბედნიერი ყოფილიყოს იგი.

დიდ გამარჯვებებს და პირად ბედნიერებას გისურვებთ, მე-15 ბაგა-ბაღელებო!

მაია მიშველაძე



